

Dogri Evening (NSD)

24-09-2026

खबरां

1. प्रधानमंत्री नरेंद्र मोदी होरें सेवा गी जीन दे मुख मकसद दे तौरा पर उजागर कीता-आखेआ जे “सेवा परमो धर्म” मार्गदर्शक सिद्धांत बने रौहना चाहिदा।
2. विदेश मंत्री डा. एस जयशंकर होरें न्यूयार्क च 18मीं संयुक्त राष्ट्र महासभा दे बक्ख बाहरें भारत-प्रशांत टापुएं दे सहयोग लेई फोरम विदेश मंत्रिणं दी बैठक दी अध्यक्षता कीती।
3. सरकार ने आखेआ ऐ जे भारत मुख दी कुल घरेलु मंग दा तकरीबन 99 इशारिया 2 फीसद मोबाइल फोन दा निर्माण करा करदा ऐ।
4. पच्छिम बंगाल, तेलंगाना, छत्तीसगढ़, तटीय आंध्रप्रदेश ते ओडिशा च अज्ज मती भारी बरखा लेई रेड अलर्ट जारी कीता गेआ।
5. जपान च एशियाई खेड्डें च अखीरी ग्रुप-ए च चीनी ताइपे गी हराने दे बाद भारत ने मर्दे दी कड्डी सेमीफाइनल च हलचल पैदा करी दिती ऐ।

<><><><><><>

PM Seva yatris Address

प्रधानमंत्री नरेंद्र मोदी होरें अज्ज आखेआ जे सेवा जीवन दा मुख मकसद होना चाहिदा ते हर माहनु च संभावित होना चाहिदा। उंनं आखेआ जे राजनीति च बी सेवा गी मार्गदर्शक सिद्धांत बने दा रौहना चाहिदा। उसलै बी जिसलै कोई उच्चे जा बड्डे ओहदे पर पुज्जी जंदा ऐ। मोदी होरें एहू गल्ल बडनगर थमां वाराणसी दी जातरा च जाने आहले सेवा जात्रिणं कन्ने वर्चुअल गल्लबात दरान आक्खी। प्रधानमंत्री होरें आखेआ जे सेवा परमो धर्म बड्डी सेवा ते कर्तव्य ऐ ते एहू मार्गदर्शक सिद्धांत बने दा रौहना चाहिदा। मोदी होरें आखेआ जे सेवा सबनं थमां बड्डी चलाने आहली ताकत ऐ। उनं आखेआ जे पी.एम किसान होऐ जां पी.एम सूर्य घर योजना इस चाल्ली दी निगिनत योजनाएं गी उंदी दूर दरेडे इलाकें च पुज्ज लेई जानेआ जंदा ऐ। प्रधानमंत्री होरें अगगे आखेआ जे 4 करोड़ गरीब-गुरबे लोकें गी स्थाई घर मिले न ते एहू उल्लै गै होंदा ऐ जिल्लै सेवा दी भावना होऐ। प्रधानमंत्री होरें आखेआ जे अस राष्ट्र निर्माण लेई समर्पित लोक आं ते विकसित भारत बनाने दे संकल्प कन्नै रवाना होई गे। उनं आखेआ जे हर कुसै गी 2047 तगर इक विकसित भारत बनाने च युवाएं गी अहम भूमिका गी सख्ती कन्ने अगगे बधाना लोड़चदा।

PM 25 Years

प्रधानमंत्री नरेन्द्र मोदी जन-सेवा दे माध्यम कन्नै देश-सेवा दे मन्तर ते समर्पण दे कन्नै सार्वजनिक सेवा च 25 बर्रे पूरे करा करदे न। सेवा ते सुशासन दे इस्सै नजरिये थमां प्रेरित होइयै, सरकार 2047 तगर 'विकसित भारत' दा लक्ष्य हासल करने दी दिशा च लगातार कम्म करा करदिआं न। समावेशी विकास ते समाजी सशक्तिकरण दे राहें एहू समर्पण लोकें दी जिंदगी बदला करदा ऐ। अज्ज अपनी श्रृंखला च, अस तुसें'गी इक मिसाल दस्सा करने आं जे कि'आं 'नमीं शिक्षा नीति' दे राहें इस नजरिये गी साकार कीता गेआ ऐ। राश्ट्री शिक्षा नीति 2020 दा मकसद साढ़ी शिक्षा प्रणाली च बड्डे बदलाव आहनना ऐ। एहू विद्यार्थिं गी अपनी मर्जी दे विशे चुनने दी खुल्ल दिंदी ऐ ते एहू नीति, कौशल विकास, शोध ते नमिं काह्डें गी बढावा बी दिंदी ऐ। मुख्य भरै दे कालेजें ते युनिवर्सिटिं च हुन राश्ट्री शिक्षा तैह्त्त तैह्त्त आए दे बदलाव साफ दिक्खे जा करदे न। इस नीति दे तैह्त्त विद्यार्थी बक्ख-बक्ख खेत्तरें थमां विशे दी पढाई करी सकदे न ते एहू नीति शिक्षा च तकनीकें दे इस्तेमाल दे कन्नै भारती भाशाएं गी बी महत्व देआ करदी ऐ। केन्द्र सरकार आसेआ हुन शैक्षणिक संस्थानें ते उद्योगें बश्कार राबते गी बेह्तर बनाने दी दिशा च बी कम्म कीता जा करदा ऐ। शिक्षा बवस्था च सकारात्मक बदलावें दी दिशा च राश्ट्री शिक्षा नीति गी इक बड्डी गैहू करार दिंदे होई उच्च शिक्षा मंत्री होरें आखेआ ऐ जे एहू नीति विद्यार्थिं लेई नमें मौके पैदा करने दी दिशा च बड्डी कारी दी साबत होआ करदी ऐ।

<><><><><><>

US-China Trade

अमरीका ते चीन ने अपने बपार युद्ध विराम गी 2 महीने बधाने पर सैहमति जताई ऐ। एह्दे' नै दौनें मुलखें गी व्यापक आर्थिक समझौते पर गल्लबात लेई होर समें मिलग। अमरीका दे वित्त मंत्री स्काट बेसेंट होरें आखेआ ऐ जे बुसान समझौते दे तैह्त्त होए द दी एहू जंगबंदी हुन 10 जनवरी तगर जारी रौह्ग। एह्दे च महत्वपूर्ण खनिजें ते उच्च तकनीक आले उत्पादें दे निर्यात पर किश बंदशें च ढिल्ल ते कारोबारी जंग दे दरान लाए गेदे भारी शुल्क गी रोकना शामिल ऐ। चीन ने अजे इस फेसले दी अधिकारिक तौर पर कोई तस्दीक नेई कीती ऐ।

<><><><><><>

EAM-FIPIC

विदेश मंत्री डा. एस जयशंकर होरें कल न्यूयार्क च 81मीं संयुक्त राश्ट्र महासभा दे बक्ख बाहरें भारत प्रशांत द्वीपें दे सहयोग लेई फोरम दे विदेश मंत्रिणं दी बैठक दी अध्यक्षता कीती। इस बैठक च इलाकाई ते मते पक्खी मंच पर FIPIC दी सांझेदारी ते सहयोग गी होर मता मजबूत करने दी प्रतिबद्धता दी परतियै पुष्टि कीती गई। FIPIC दे ढांचे दे तैहत आयोजित एह दुई विदेश मंत्रिणं दी बैठक ही। इस दरान हिस्सा लैने आहले नेताएं FIPIC शिखर सम्मेलनं दे नतीजें दी समीक्षा कीती ते भारत प्रशांत द्वीपें दे मुलखें दे सहयोग च प्रगति दा सोआगत कीता।

<><><><><><>

Edible Oil Prices

केंद्र सरकारै घरेलू खाद्य तेल दिणं कीमतें गी नियंत्रित करने आस्तै आयात कीते जाने आले प्रमुख कच्चे खाद्य तेलें पर बुनियादी सीमा शुल्क घट्ट करी दित्ता ऐ। उपभोक्ता मामलें, खाद्य ते सार्वजनिक बंडु सरबंधी मंत्रालय ने दस्सेआ जे कच्चे सूरजमुखी तेल पर बुनियादी सीमा शुल्क घटाइयै सिफर करी दित्ता गेआ ऐ जिसलै के कच्चे सोयाबीन तेल ते कच्चे ताड़ दे तेल पर सीमा शुल्क पर सीमा शुल्क 10 शा घटाइयै 5 फीसद करी दित्ता गेआ ऐ। मंत्रालय ने दस्सेआ जे इस गैहू दा मकसद उपभोक्ताएं गी राहत प्रदान करना ते खाद्य तेलें दिणं कीमतें गी नियंत्रित रक्खना ऐ। सरकारै रिफाईंड खाद्य तेलें पर बी सीमा शुल्क च कटौती कीती ऐ।

<><><><><><>

Australia-India COP-31

आस्ट्रेलिया दे जलवायु परिवर्तन ते उर्जा मंत्री क्रिस बोवेन होरें आलमी सतह उप्पर जलवायु ते उर्जा नीति दे भविष्य गी आकार देने च भारत दी भूमिका गी बड़ा गै महत्वपूर्ण करार दित्ता ऐ। नमीं दिल्ली च आस्ट्रेलियाई हाई कमीशन ते इक होर वैचारिक संस्था आसेआ सांझे तौर पर आयोजित सी.ओ.पी संवाद शा पैहले आयोजित कीते गेदे इक सत्र च बोवेन होरें आखेआ जे स्वच्छ उर्जा दे खेत्तर च भारत दा तेजिया कन्नै होआ करदा विस्तार एहू दर्शादा ऐ जे स्वच्छ उर्जा कन्नै जुड़ी दिआं पैलकदमियां आर्थिक समृद्धि गी बढ़ावा देई सकदिआं न। उ'नें आखेआ जे इस ब'रे नवंबर म्हीने तुर्किए च आयोजित होने आले काप-31 सम्मेलन च समावेशिया, पारदर्शिता, बिजलीकरण ते रास-पूंजी पर ध्यान केंद्रित कीता जाह्ग।

<><><><><><>

Australia-India COP-31

प्रधानमंत्री नरेंद्र मोदी तारें बडुलै 11 बजे आकाशवाणी पर मन की बात च देश विदेशें दे लोकें कन्नै अपने बचार सांझे करंगन। एहू 13मां संस्करण होग जेड़ा पूरे आकाशवाणी ते दूरदर्शन नेटवर्क ए.आई.आर न्यूज दी वेबसाइट ते न्यूज आन ए.आई.आर मोबाइल ऐप पर प्रसारित कीता जाहग। एहूदे अलावा एआईआर न्यूज, डी.डी न्यूज, पी.एम.ओ ते सूचना ते प्रसारण मंत्रालय दे यू-ट्यूब चैनलें पर बी सिद्धा प्रसारित कीता जाहग। आकाशवाणी इस कार्यक्रम गी हिंदी प्रसारण दे तुरत मगरा क्षेत्रीय भाशाएं च प्रसारित करग।

<><><><><><>

Mobile Phone Manufacturing

इलेक्ट्रॉनिक्स ते सूचना टेक्नोलॉजी सचिव एस. कृष्णन होरें आखेआ ऐ जे भारत च मोबाइल फोन दी कुल घरेलू मंग दा लगभग 99 इशारिया 2 फीसद तैयार होंदा ऐ। नमीं दिल्ली च अज्ज 13में सलाना पब्लिक अफेयर्स फोरम ऑफ इंडिया दे उद्घाटन सत्र च श्री कृष्णन होरें आखेआ जे भारत च हर बरे तकरीबन 32 शा 33 करोड़ मोबाइल फोन तैयार होंदे न। उ'नें आखेआ जे 5 प्रमुख वैश्विक मोबाइल फोन कंपनियां भारत च मजूद न ते अपने उपकरणें गी तैयार करने दा कम्म भारत च गै करदिआं न। श्री कृष्णन होरें आखेआ जे सरकार ने मोबाइल तैयार करने दे कम्मै गी बधाने, आपूर्ति श्रृंखला गी मजबूत करने ते दुनियाभरै च इस खेत्तर च भारत दी भागीदारी बधाने आस्तै मोबाइल फोन विनिर्माण योजना शुरू कीती ऐ।

<><><><><><>

Jitendra-Kaladi

केन्द्री मंत्री डाक्टर जीतेन्द्र सिंह होरें ऐलान कीता ऐ जे जम्मू-कश्मीर दे उधमपुर दी पारंपरिक जीआई टैग हासल कलाड़ी, मुकामी ते आलमी सतह दे बजारें लेई इक बड्डे कारोबारी मुकाम तगर पुज्जी गेई ऐ। डाक्टर सिंह होरें गलाया जे रामनगर ते उधमपुर दी प्रमाणिक कलाड़ी गी बशेश डोगरा व्यंजन दे तौर उप्पर बडे मानै कन्नै बड्डे मंचें पर पेश कीता जा करदा ऐ। उ'नें दस्सेआ जे कर्नाटक च सीएफटीआरआई मैसूरू दी सांझ-भ्याली कन्नै कीती गेदी साईसी पैहलकदमिएं राहें कलाड़ी गी फ्रिज च रक्खने पर खराब होने शा पैहले दी अवधि गी कामयाबी दे कन्नै होर च'उं हफ्तें धोड़ी बधाई दिती गेआ ऐ ते खास गल्ल एहू ऐ जे बधाई गेदी इस अवधि दरान बी कलाड़ी दे पारंपरिक सुआद च कोई कमी नेई औग।

CM-Noida Bus Accident

मुख्यमंत्री उमर अब्दुल्ला होरें ग्रेटर नोएडा च बस च अग्न लग्गने दी मंदे भागें आहली घटना च कीमती मनुक्खी ज़िंदगीएं दे नुकसान उप्पर दुक्ख ते बसोस जताया ऐ। उमर होरें इस हादसे च अपने साक-सरबंधिएं गी मुहाने आहले परोआरें प्रति हमदर्दी जतांदे होई दुक्खै दी इस घड़ी च उंदे कन्नै अपनियां संवेदनां बी जताइयां न। उनें हादसे च जख्मीं होए दे लोके दे तौले नरोए होने दी कीमना बी कीती ऐ। ध्यानजोग ऐ जे दिल्ली थमां बिहार दे माहोबा बक्खी जा'रदी इक बस च ग्रेटर नोएडा च यमुना एक्सप्रेस-वे पर अग्न लग्गी गई जिस करी 9वें लोके दी मौत होई गई।

<><><><><><>

JK-PMFBY

सरकारै अज्ज विधानसभा च जानकारी दित्ती ऐ जे प्रधानमंत्री फसल बीमा योजना ते मौसम आधारित फसल बीमा योजनास्कीम दी अमलावरी जम्मू-कश्मीर दे सारे 20 जिलें च कीती जा'रदी ऐ। 12 लक्ख 89 ज्हार करसान एहदे तैह्त्त आहन्ने गए न ते अजें तगर 221 करोड़ 71 लक्ख रपे बंडे गए न। आकाशवाणी जम्मू संवाददाता नै विधानसभा च रक्खे गेदे आंकड़े मूजब राई-बाई मंत्री होरें आखेआ जे एहू स्कीमां हर योग्य करसान परौआर लेई न। सरकारै आखेआ जे तकरीबन 13 लक्ख 98 ज्हार शा एहदे तैह्त्त योग्य न।

<><><><><><>

ST-II Certificates

सरकारै विधानसभा च जानकारी दित्ती ऐ जे 5 लक्ख 73 ज्हार अनुसूचित जनजाति सरबंधी प्रमाण पत्र योग्य लाभार्थीएं गी बंडे गए न। आकाशवाणी जम्मू संवाददाता दी रिपोर्ट मूजब अज्ज विधानसभा च जानकारी दित्ती गई जे 20 जिलें च कुल 5 लक्ख 73 ज्हार 667 प्रमाण पत्र बंडे गए न। आंकड़े मूजब 5 लक्ख 4 ज्हार 7 प्रमाण पत्र जम्मू खित्ते च बंडे गए जिसले कि 69 ज्हार 660 प्रमाण पत्र कश्मीर खित्ते च बंडे गए।

<><><><><><>

TET-Resolution

जम्मू-कश्मीर विधानसभा ने 31 अक्टूबर 2019 थमां पैहले नियुक्त कीते गेदे अध्यापकें गी, टीचरें दी योग्यता आहले टेस्ट - टी.ई.टी. देने थमां छूट दी मंग आहले प्रस्ताऽ गी अज्ज मुंह-ज़बानी पाए गेदे वोटें कन्नै पास करी दित्ता ऐ। शिक्षा मंत्री स्कीना इत्तू हुं'दे आसेआ एहू प्रस्ताऽ सदन च पेश कीता गेआ हा। इस मामले दे बक्ख-बक्ख पैहलुएं पर चर्चा ते 31 अक्टूबर 2019 थमां पैहले भर्थी अध्यापकें दिएं चैंताएं गी उजागर करदे होई द'उं दिनें दी बैहस दे मगरा इस प्रस्ताऽ गी पास कीता गेआ ऐ। इस प्रस्ताऽ तैहत केन्द्र सरकार गी एहू गुजारश कीती गेई ऐ जे ओहू लोड़चदी कनूनी गैहीं पुट्टने दे कन्नो-कन्नो अध्यापकें दी शिक्षा सरबन्धी राश्ट्री परिशद - एन.सी.टी.ई दे राहें इस सरबन्धै च अधिसूचना बी जारी करन।

<><><><><><>

Weather

भारती मौसम विभाग ने अज्ज पच्छमी बंगाल, तेलंगाना, छत्तीसगढ़, तटीय आंध्र प्रदेश ते ओडिशा च भारी थमां मती भारी बरखा दे मद्देनजर रेड अलर्ट जारी कीता ऐ। मौसम एजेंसी ने अज्ज बिहार, झारखंड, विदर्भ, पच्छिम बंगाल ते सिक्किम च बी भारी थमां मती भारी बरखा दा अनुमान दस्सेआ ऐ।

<><><><><><>